

渾源州續志卷七

人物二

栗方伯公

張太僕公

栗觀察公

人物三

忠義

馮太僕公

程公

渾源州續志

卷七

目錄

楊公

楊公

人物四

張觀察公

張給諫公

常公

侯公

文苑

劉公

孫公

補遺

備攷

渾源州續志

卷七

目錄

二

栗方伯公傳

公諱燿字仲然父恭勤公任河督有大功

賜諡及祭葬入祀名宦鄉賢所生子二公其次也幼警敏甫就傅恭勤公取儒行中席珍待聘四語問所安卽應聲曰待價而沽惟儒者然也眾驚異目爲聖童長益嗜學隨恭勤公之任豫省恭勤頻徙官公左右就養無虛歲深得堂上歡母太夫人矜其體羸命疎鉛槧授讀王君士桓奇其文白請卒業未幾試京兆入選會恭勤公由豫藩授河督入

覲將還公請從禮闈將及恭勤公諭止之報罷旋歸省親道光庚子同人要計偕以父春秋高辭不赴恭勤公諭曰名以顯親成名足慰親心卽益親壽奚不可因勉裝就試事畢適聞親訃哀毀骨立時以父恩恤賜進士公益慟曰先人促我來爲此名耳吾弗能遂親心轉以父死被

殊恩負吾親實甚匍匐奔喪歸營葬祭悉如禮服闋須補廷試以母老不赴太夫人諭遣乃行公素能書人皆推鼎望及用知縣同惋惜嗣授例就內閣中書改官同知

需次中州復以知府歸部選未幾奉母吳太夫人諱
喪過平哀服闋詣都需次適楚北請員公與焉道奉
旨授漢陽府知府是時粵捻再陷漢陽敵方張人多阻其
行者公奮曰吾世受

國恩敢避難乎至則湖督楊公委綜營政道光甲寅大軍
規復武漢次楊店賊偵知潛師由黃孝來襲徑薄壘
門眾洶懼公亟請制帥揮眾奮擊賊果敗斬俘萬計
遂進逼漢陽連戰皆捷復其城公入撫流亡殲餘孽
民以獲安大府偉公略以楚重鎮惟漢口寇所必爭
渾源州續志

卷七

人物政事

三

令屯守扼險要措置胥宜敘功

賞戴花翎加道銜己而賊由黃梅復犯武漢公迎戰沙口
賊覲將遁會其黨麋至都闔某懦不能師先引卻公
孤軍與持股中賊矛傷劇甚猶裹創力戰會制軍駐
德安檄赴營以賊陷隨州全師赴援而德安虛無備
賊訶知問道襲取制府楊被議罷受代則節相官制
軍也稔公名檄協勦隨賊壘走之前相既復隨德進
次蔡甸留公視府事旋大軍克復漢陽大府上功得

旨以道員記名簡放時胡文忠公詠芝撫楚北委籌于釐

造軍械濟東皖師軍用以饒咸豐戊午充湖北鄉聞
監試官事竣更召詣黃州司營政兼糧臺文忠以公
敏幹遇事周諮公亦感奮必盡言故文忠守邊數年
復皖地數百里公勲力爲多以功權荆宜施兵備道
兼監督鈔關南視事得

旨加按察使銜公以受

恩深益勵職思鹽權係餉源倍籌畫無暇晷而荆宜居川
省下游自李藍寇亂全蜀賈舶梗不通故鹽權益絀
且官兵趨蜀咸取道荆宜供億尤劇皆賴公以濟是

涇源州續志

卷七

人物政事

四

年補授鹽法武昌道綜核嚴密規費入私者盡歸諸
公終任凡征鹺銀八十餘萬錢半之關權銀亦及十
萬咸豐辛酉川氛熾甚合黔賊逼施南公申大府請
重兵爲備人有難公者謂荆南據萬山險賊至難攻
且地瘠無所掠奚備爲公曰吾正以是防其不意也
施南固山險我能守乃可制賊地雖瘠民足給食奈
何資盜糧且山與荆宜通寇趨巴鶴則扼宜皖走松
宜則當荆衝皆長江上游要害楚爲諸賊覬覦久矣
不亟防墜躋何及因復檄施南郡縣集民團守險飭

鹺局益廣餉儲大府然其周慎卽調靖臣劉方伯兵移施守禦未至賊已由利川犯來鳳黔賊亦自然山來眾號十萬與川匪合來鳳遂陷益分掠宣咸諸郡境施南協鎮惠某率所部爭來鳳賊據險不能入軍繩山遇覆盡沒全施大震荆宜亦戒嚴值劉軍至倍道扼宣恩隘以漸進蹙盡奪其險節相復檄南軍夾擊乘勝遂復來鳳賊西走諸軍尾其後連敗賊賊大創因竄歸蜀是役也賴公決機明大府知人善任故劉軍得迅集先據險而鹺局供餉尤夙備士飽馬騰

以是奏功捷公之在荊州也值水軍弛備久江無巡兵商旅困盜劫而郡屬之松滋地界川黔莠民多嘯聚公爲前大府修戰艦增軍屯募熟諳荆江雜道擇幹弁領巡盜胥屏迹松有馬鉦者挾左道惑眾其黨羅華白汪先進等轉相誘煽眾至數千人誦咒曰一心出遇則爲隱語相識別月設大會差徒多寡爲坐次因校武藝區勇怯鄂澧間爲騷然川黔賊聞而招之授僞詔使爲內應鉦諾之益集眾爲不軌會荆軍取江巖鉦懼事洩誅其黨先發期以三日會城中都

司曹某偵得實飛請討邑宰張君與合擊賊悉力拒
官軍進薄之擒僞帥譚倡柏鉦逸追逐得之斬以徇
餘黨畢就獲不折一兵而亂平先是川黔賊敗奔蜀
復竄楚公以賊未知鉦死必希應援乃移樊都戎舟
師於宜爲蜀犄角未幾賊果度涪趣攻夔州樊軍馳
救公慮兵力薄請益師大府遣唐副師莫階赴夔復
檄張鎮軍子緘統水軍大隊守宜固楚圍賊之入江
者皆爲樊唐二軍所殲而劉靖臣方伯復率陸軍敗
賊賊日蹙會得馬鉦死耗遂大潰水陸軍合勦俘斬

萬餘盡焚賊壘餘黨竄入秦夔圍遂解川東亦定荆
州有隄曰萬城屹立西北隅郡保障也城卑於隄隄
外皆江水周環夏秋恒與隄平決則城盡沒乾隆戊
申水決隄越城入損戶口數萬公以民瘼尤亟至卽
巡隄圖久安計庚申春楚蜀大淫雨自正月至三月
荆流暴溢蜀水復來匯漸平隄夏漲益增雨傾注不
已水攻隄聲若雷賴隄堅弗決公急詣隄促吏備搗
捐儲土石而水笑起壅隄外高幾及尸民大譁率老
幼奔避哀號聲不絕公步立隄岸周行泥淖間指軍

工役躬視板築終宵不少怠逾日水落猶宿隄民定
乃還洎秋檄署臬使判民攀轅者踵相屬履臬任旬
日卽晉攝藩篆公以藩司總度支征餉浩繁庫藏所
出浮入殆半思籌良法以裕軍用昕夕無間隙卧思
有得卽晨白大府決可否接屬寮日晡不輟莫盡所
言集眾益以佐政尤詢民疾苦謀加撫綏十月得
旨授按察使公念父恭勤公會膺是職當踵紹前烈乃顏
堂額曰誦芬懸以自勵且勗諸子曰

朝廷方旰食宵衣吾爲臣子不能上紆

渾源州續志

卷七

人物政事

七

君憂敢自逸乎幕客有勸節勞者公曰吾非不自惜顧按
數年籍餉項虧甚鉅吾謀償之若餉不足則兵不用
命賊安可平且吾已委贄立

朝

國事卽吾事也會冬月山東來徵兵且催餉公憂款鉅
無以應然欲安魯甸非副其請不可又吳皖尙用兵
餉皆資於楚若瘠楚肥魯亦非計之善乃胥召文武
羣吏謀令悉陳所見因以議周諮幕寮期萬全日旰
弗休而神思亦用是殫矣俄頃入內心蕩不可支遂

卒屬續時猶以

君恩未報爲憾語不及私卒前數日有

旨補授湖北布政使會報聞出缺而止

宸眷渥隆沒亦榮焉公續密周察務存大體無疾言遽色

於人不輕加臧否每行政必博訪寮屬善則從之不可亦必告以己意使皆屢服恒獨居深念不忘討賊東南軍書至非時卽取讀見軍捷則喜小挫卽憤懣填膺至寢不安席拳拳忠愛之誠殆素所蓄積然也性篤孝先意承志恐傷親心每侍側雖疾弗敢言若無疾焉者以未與恭勤公斂事終身戚然祭祀則涕泣故母夫人在堂未敢輕許

渾源州續志

卷七

人物政事

吳

國其處兄姊鄉黨稱弟無閒言伯兄烜卒公慟幾絕撫其子國華尤愛篤亦仕終粵東候補府事諸父必盡誠有季父病癰腥穢不可近公爲燂湯請浴手自傅藥患遂瘥其五季父倅杭州偕妻卒任所杭去晉數千里子幼不克扶襯公如杭歸其殯不以爲勞奉三四季父亦然皆人所難能者於師友風義最高素所受業師必奉之謹歿爲經紀其家力竭然後已擇交

尤慎相契則終始弗渝嘗言朋友列五倫忠信失交
必不終接幕中友亦如之御下以寬折獄多所平反
東湖有盧某武斷一鄉侵沈氏田沈執券訟盧遷怒
書券黃某執送尉誣以串謀尉因囚黃黃忿自經執
事者坐尉囚黃罪欲以傲官邪公按其獄以爲黃死
於盧尉囚黃固有罪然非盧執之尉安得黃黃忿盧
死而於尉坐之非法之平也俄盧吐實抵盧罪尉第
褫職南漳有某殺其兄者先以情告婦婦沮之夫乘
婦他往醉其兄將殺之適婦歸夫聞婦至急搯兄項
婦趨入救則已死婦恐被累陰控之事洩有司捕婦
亦就鞫婦怒夫之殺兄也盡發其謀且曲道殺時狀
若身愿者有司謂婦同謀亦實重辟上公按之婦如
前供詞畢歎曰不虞救之不生也公詰曰爾非同殺
人者乎婦誌曰吾夫殺兄吾方自外來入救則已死
以夫殺兄不道故白其實何爲同殺公悉婦冤命復
推果未與謀乃惟誅夫實婦罪流之其明慎用刑皆
此類也在荆司關權時權例舊三萬征恒不足司權
當償公謂償固宜當求所以不足故召吏問之吏白

關權所恃惟竹木今裁去一關故額缺問舊關幾何
曰十一今何爲裁吏曰昔有越關當孔道竹木至則
權之後江流易道竹木迂道去因裁越關移建新隄
權如荆額未嘗減公曰移竹木之征於新關額亦三
萬稅與荆關埒新關旣增則荆關當減何必權萬不
可足之數使司權者負虛名而受實禍乃條陳於大
吏

奏減之司權數年以清自矢然僚友求助必優資之
所在務除暴荆西歸州當蜀衝河多灘險買船自蜀

來必經其地誤觸石輒舟毀附灘居民常挽導出險
資雇值爲衣食後挽漸多土豪某欲漁其利先貸挽
丁錢令倍蓰索客費弗與卽愆避伺舟破操小艇出
散徒賈貨匿之而陰賄州胥無受訟牒賈訴無路困
億歸豪益橫無忌嚴中丞時巡荆廉知委查辦公盡
得奸狀卽密捕豪并州胥實法定挽值揭灘壁害以
永除抄鎮爲商旅雲集境多積蠹殃民并懲刈無遺
莠尤樂助書院資謂育才重地旣稟不繼則士心沮
出吾財以勵人才所獲多矣去官行橐蕭然性勤學

淹通史傳及經世諸書兼工書畫嗜金石文退食因以自娛曰吾夙好此欲陶淑古人以鍼吾癖於政不無裨也又嘗譏王介甫急於見才創行新法欲功名與三代爭卒爲才誤故每任職不求聲譽任荆南漢陽久感人尤深卒之日民爲位哭水軍將士皆隕涕焉公生嘉慶戊辰以同治壬戌十一月卒壽五十有五誥授通議大夫

晉授資政大夫

配孫淑人

渾源州續志

卷七

人物政事

至

晉封夫人子四次三皆幼殤長國賢附貢生前候選郎中現候補湖北知府四國良太學生前刑部廣東司員外郎加花翎知府銜遇缺卽選知州儘先補用同知直隸州知州孫男四人俱幼讀一門光顯方未艾候選知府山西永甯州知州調署渾源州事賀澍恩謹述

贈太僕寺卿張公

列傳

公諱清元字元卿號鏡川世爲渾源州城人三代皆以公仕贈如官考中憲公僅舉公一人自髫髻承庭訓卽穎悟夙成長益篤學嘗結茅恒麓刻苦忘貧因淹通羣籍文必根柢經術刊落浮藻夏夏歸獨造夙受知於學使陳公希曾及黃文敏公鉞皆以國士目之由廩生膺嘉慶庚午鄉薦道光丙戌大挑知縣分發安徽時名公鉅卿皆以未捷南宮爲深惜仕皖省

渾源州續志

卷七

人物政事

三

歷署潛山定遠合肥鳳臺等縣及壽亳二州事補授懷遠知縣升宿州知州所在聽斷明察鞠疑獄尤續密不假刑求懷遠有無名男子被殺亡首竟旣逃而屍主亦不得獄棘甚公查有同時控雇工常姓騙逃案問知常某服傭久素無他度常必卽被殺者令其妻孥往視則衣履屨屨皆指認相符飭訪緝有亳州錢五久貧暴富盤詰失色逮訊果吐實得屍首白骨中取常姓子漬血驗入深囚服無詞獄上大府疑駁再四卒如公初識其精詳若此任壽州合肥時訟尤

劇公終日莅堂皇剖判訟者皆愜心去嘗以衛民惟
先除暴故凡胥役舞文爲奸懲治必竟法壽州積蠹
張永年肆貪養亟取誅之羣惕服定遠有掘地爲室
名鍋底牢胥役索訟者金弗慊卽錮牢中公到破除
一邑稱快正陽關素設鹽卡丁役爲商累立撤銷追
浮收畀貧者害以永除廬鳳等州俗習强悍盜夥鹽
梟相競逐每拒捕抗官公按巢穴殛無遺奸宄悉遠
跡時撫軍程公楹采錄公先後緝獲功如巢縣廬江
合肥諸盜首曰戴三沙祖繩劉大辦等皆積年巨猾

更奉

旨嚴緝之吳兆豐姚紹先孔昭秀王雨菖各犯悉擒正法
此外盜酋倪樹明等歲久竄匿卒設計偵縛奏公皖
省緝捕勤能第一入

覲蒙

宣廟召見

天語褒嘉公素嫻兵略於孫吳家言兼綜條貫嘗慷慨自
許志平寇難咸豐辛亥奉

旨赴辦粵西軍務時軍帥周文忠公天爵檄帶兵勇五

干樂賊大黃江之東賊眾數萬不敢逼紫荆山爲賊老巢逆首洪秀泉楊秀青等日久負嶠遺孽十餘萬猶盤踞爲聲勢恃山險不可登公偕向軍門榮張觀察敬修李太守孟羣諸人率兵跨磴旋折而上賊傾巢拒鬪分支軍繞襲公冒矢石爲軍鋒單騎突重圍出入人服其勇咸豐三年周文忠奉

命移辦皖省軍務尤倚重公是時捻逆大股十餘萬據河南永城諸處公於亳州緝得賊謀並其黨斬擒之越日賊設伏橋下邀我軍軍奪橋急擊守備楊某因虜

渾源州續志

卷七

人物政事

五

水登岸搥賊堅斬其渠楊廣義匪眾大潰公分兵三路乘勝進勦賊有馬樂田號馬老虎者尤悍鷲陽爲譚語逆公而陰伏兵萬餘謀誘襲公察其詐斬之拔蝥弧匹馬先馳賊陣眾乘之賊猝失措公所派中軍把總適某橫衝擊步卒燃礮震山谷賊相蹂躪踵赴水死雜時身股匪黨猶抄公後益揮礮隊轟擊挖巢窟殆盡文忠以爲能聞諸

朝蒙

恩賞花翎晉知府

上諭有該員倉猝應敵皆有條理深堪嘉獎之語未幾嗣
皖撫福公稔公知兵委幫辦宿州軍務宿界三省爲
皖北門戶

天子特命重臣都統容公照屯守益任公專咸豐七年四
月捻目張鳳鳴桑皮臉屯桑家林截驛路爲裹麥糧
計公乘無備攻其巢擒逆寸磔以徇一郡歡呼時捻
首曹懷勛及賊目王雲會等並趨時村公會署宿牧
葉及守備方率驍勇夜馳大橋集遇賊夾擊之立擒
二酋並斬獲餘黨訊皆夙附張落刑惡所不容誅者

渾源州續志

卷七

人物政事

五

是年九月捻首卜黑小卽卜殿青積年巨魁也屢陷
城邑屠戮不勝記據龍山東北之青墜倚險爲固公
督守備閔某及周府經與賊鏖戰擒誅逆黨朱善沅
謝雲惟黑小易服遁公陰遣降目謝永年等混入賊
隊生縛之悍寇以平時久旱得雨民以爲除暴所致
容公入

告擢陞道且嘉慶守宿城績

上命紀存待獎公感奮益殫竭盡誠不遺餘力咸豐八年
奉檄守浮山山屬盱眙縣境綿互數百里爲淮上下

游扼要地逆擒張落刑覷清江姑蘇爲財賦藪艤舟
淮岸檣帆蔽空將尅期東下眾洶懼署撫李公委守
某堵禦悻成疾弗果行公毅然任之至則登覽全淮
形勢築礮臺於其西南屯軍山下十一月賊果眾數
萬至公督水陸軍夾擊更以連環槍礮挫前鋒賊始
卻相持五晝夜枕戈露處不遑假寐賊氣衰公戰益
力駢拋火器乘東北風起賊舟檣櫂悉摧折因激將
士曰此天助我軍飭伏兵要歸路斬俘萬餘賊卒不
敢過清江而東賴公堵禦力也事

渾源州續志

卷七

人物政事

美

聞

天子嘉獎交部從優議敘公亦由是積勞成疾動履阻艱
病中猶區畫軍事手繪輿圖策戰守謀設購誘擒張
落刑未遂所志竟以咸豐九年二月二十日子時卒
浮山軍營舟次奏奉

特旨賜卹

晉贈太僕寺卿銜

恩賞祭葬銀兩

給予難蔭入城治喪咸豐十一年紳民公懇詳請祀鄉賢

大憲入奏奉准公生乾隆五十四年八月初九日巳時及卒享壽七十有一喪歸兵民佩德紛兩泣弔奠踵途其雲中積素知交及閭里戚族僉迎喪隕涕以咸豐十年十一月初三日葬城北顧冊村之原公性篤仁孝迎椿萱養必委曲承志得其歡心父疾陰籲求身代扶喪至紫荆關徒步數千里踵血忘瘁板輿奉母益嬉嬉然觀者化其德慈親棄養時壽八旬有四公亦年衰哀毀如孺慕念身鮮兄弟待諸父昆季尤推恩平生以利濟爲心居官所至必首重倉儲飭

各鄉村樂歲量捐款則周給名其倉曰豐備任懷遠時歲饑先開倉賑上憲責怒引咎不辭後連遭疫蝗謀所救捕心力殫竭甦饑羸無算讀書務倡明正學以性理爲宗旁及諸經史著有賞心亭文集詩集精選唐詩讀本待梓所在書院必與諸生辨析疑難勗以孝弟忠信彬彬有鹿洞遺風餘暇間游心翰墨動合古法雖家常手札無率筆真上追司馬文正者處師友敦修古誼石公承藻公鄉閭座師也會任御史失察庫案監子孫追賠公在官立奉千金贖歸壽州

牧許某積累數千因父喪無措公代其職慨然彌補
亳州刺史郭某以覲見北行母歿宦橐蕭然公時攝
篆爲經營襁斂查負逋及鉅萬促扶喪歸葬且緩其
逋厚贖之年家某某以知縣卽用赴省需次貧無資
各贈數百金以行其他義舉若都城三忠祠三晉會
館本籍文昌宮東壇及書院膏火義學資俸各捐廉
俸助以薄爲歉身雖貧宦而介石守貞歷官需什物
必自備不以擾民合肥供億尤繁亟取簿籍焚之悉
剔舊弊編氓歌來暮焉其宰懷遠有紳某某一以珍

物厚餽一丐題喪主奉千金皆峻拒之合肥某鉅紳
謀分產嫁其孀嫂乞公左袒公責倫常大義賢嫂節
而斷產益多某不平風言者劾公不爲動大吏查虛
誣以不畏疆禦益重公鯁其狷潔固天性然也

配程淑人繼配穆淑人皆有婦德先公卒子三長觀
岳現廣東候補府詳科目次觀鈞現任四川卽補道
次觀準現任戶科掌印給事中俱詳人物孫兆輔觀
岳長子詳封廕

光緒六年歲在己未辰夏五月旣望

賜進士出身山西永甯州知州調署渾源州事候選知府
前翰林院庶吉士 實錄館協修兼署纂修豫章
賀澍恩謹述

渾源州續志

卷七

人物政事

五

張公墓志銘

賜進士出身

誥授光祿大夫太子太保致仕大學士壽陽年愚弟祁寯藻頓首拜篆蓋

賜進士出身

誥授朝議大夫日講起居注官詹事府左春坊左中允門下士何廷謙頓首拜撰

誥授朝議大夫內閣侍讀學士前工科給事中愚姪段隨川頓首拜書

渾源州續志

卷七

人物政事

卒

咸豐九年二月二十日安徽特用道鏡川張公以疾卒於軍事

聞得

旨賜卹

贈太僕寺卿銜公子觀岳等將以十年十一月初三日葬公於城北顧冊村之原以德配程淑人穆淑人祔焉而乞余爲志墓之文余文何足以傳公然嘗師事公又嘗爲公課諸子讀知公事至悉何敢以不文辭按狀公諱清元字元卿一字子海號鏡川山西大同府

渾源州人曾祖鵬庠生祖國安庠生靖遠營把總父
夢麟庠生公貴後

贈祖父皆如公官公生而穎異幼爲學使黃勤敏公鉞所
器嘉慶庚午舉於鄉道光丙戌以大挑知縣分發安
徽歷署潛山定遠合肥鳳臺等縣壽亳二州補懷遠
縣知縣升宿州知州以軍功晉知府

賞戴花翎旋以守城功擢升道而積勞成疾未獲大用以
歿其可哀也已公爲治不事姑息摘奸鉏強務以安
民其署吾定遠也舊有飢法吏坎室中爲大窟深廣

渾源州續志

卷七

人物政事

空

容數人名鍋底牢索鄉民錢不饜則錮牢中有死者
公廉得之立破牢殛吏一邑稱快在官終日坐堂皇
訟者至計所控人遠近立拘與質案無留牘無情者
懲而逐之不使得逞以故所莅之區循聲卓著大府
程公懋采王公植先後薦爲皖省勦能第一又以治
績聞膺卓異得

宣廟召封咸豐元年周文忠公天爵督師粵西奏公從征
公率騎勇轉戰博梧諸郡山谷間常單騎督陣爲諸
軍師又數陳戰守方略文忠雖不盡用然益重公相

倚如左右手及還皖復從文忠剿亳州擒匪身先陷陣擒其渠魁斬之文忠卒從都統容公照守宿州賊環城力攻月餘不能下公復以計焚賊巢賊遂遁去擒匪之陷臨淮關也公方帶勇浮山其地爲淮安上游距臨淮百餘里守備單弱人無固志公慮賊東竄籌餉練勇竭力爲堵禦計次年春賊果至公督礮船力扼之枕戈露處目不交睫相持五晝夜賊終不得過清江而東然公亦心力俱瘁一病不起矣公性剛毅重然諾輕財好施軍民皆樂爲用故所向有功然

以不阿諛上官多所牴牾不獲竟其設施悲夫公生於乾隆五十四年八月初九日巳時至卒時年七十有一原配程淑人繼配穆淑人均有婦德先公卒子三觀岳道光己酉優貢工部都水司主事觀鈞道光乙巳進士吏部考功司員外郎觀準咸豐戊午優貢皆穆淑人出女三同郡監生黃載中廩生李佩棠安徽候選道宋春翹其婿也孫四人孫女九人銘曰
朝歌虞渤海龔惟公媲美聲隆隆盪砂石兮留精銅
刈榛莽兮護蘭蕙豸狼嗥於西虎咆東擐甲執戈搜其

鋒卒以盡瘁隕厥躬淒霜滿野星墮空魂歸來兮載
靈風寔石徵辭銘幽宮千秋萬禩兮式英爽於無窮

栗觀察公烜政行紀畧

公諱烜字小園號春坪恭勤公冢嗣也幼聰穎長擅
文譽由廩貢生挑取道光辛卯恩科順天鄉試膾
錄援例授刑部直隸司員外郎歷升河南督捕司郎
中兼理山東江西四川司督辦所事以明允積勞
特旨簡放安徽廬州知府端士習維風化除土豪郭二虎
等吏畏民懷時有蘇人郝某瞰同鄉李夥銀六百餘
兩陰謀殺之事尙不露適公偶出烏隨翔左右大異
之因前行詰烏所止見集塚上噪甚哀詢其地則烏

村也塚係新成問誰墳眾推不知益疑焉命啟視之
乃帶傷初寔未久者飭鄉甲慎守歸暗訪查有二茶
館新開迹詭可疑僞商服往就飲值主人與傭相詬
詈傭語頗泄遽歸傳詰堅不承公爲佯退陰窺茶主
及婦私耳語立加研鞫具得其狀獄成乃關屍子領
棺盡歸其銀一郡稱神明未幾調補安慶亦以惠愛
爲治旋丁母艱服闋放甘肅涼州府知府以地瘠貧
萌減釐金民商便之時西番回匪滋擾鎮軍穆不能
制公往諭解獲其渠數人餘眾悉定府糧市多奸民

刁搶稅廳亦屢器不靖公嚴懲以法匪喘戢迹而其
中小馬三王三爲郡巨蠹大小銷月送規錢不等馬
倚弟提標把總尤肆毆公取厲責柳示衆以次周轉
街衢按論如律紳商翕然立碑頌德尋調蘭州知府
沿途及千里頌青天呼佛子者交口合一詞焉蘭州
書院久曠學到卽增諸生膳費優獎給貲必已出如
在涼州時會營兵餉闕數積五十餘萬方伯常公出
被圍譁譟幾變公馳往許次日赴府領詰旦羣集因
邀諸營長婉謝曰餉不日卽到府無夙儲安從墊發

渾源州續志

卷七

人物政事

七

昨恐若輩倉卒註誤故權慰之願少待毋忿生事眾
素悉公誠卽解散後數月餉集一軍盡安嗣權安涼
兵備道 賞戴藍翎

欽加道銜奉承重譚歸病卒附葬恭勤公 賜塋生嘉慶

五年十一月初五日卯時以咸豐十一年六月十一
日子時歿享壽六十有二公生平篤好經史善篆隸
書尤精岐黃術所在施醫藥拯疾苦無虛日居家孝
友人無間言本宗外族託軀卹倍至於鄉黨恂恂接
以恩禮同籍日遇親戚昏祭往來徒步不事車馬人

美謙德焉尤善成父志恭勤公在官時凡本籍一切
善舉皆資勳贊至今鄉評推重以為恭勤公後數公
為最嗚呼賢哉豫章賀澍恩謹述

忠義

國於天地必有與立忠臣義士孝子悌弟貞婦烈女是己三綱以君臣爲首故人之所履莫大乎忠而忠亦有辨時當平謐靖共舉職此義之常人能勉之若夫疆場多故禦寇捍鋒犯難捐軀堅必死之志雖婦人孺子聞而烈之卓犖爲傑直其煜己其尤難者值勢無可爲而以身任綱常之重崎嶇百變不爲威怵不爲利誘甘鼎鑊如就館可不謂日月爭光者哉表揚盛烈孰加乎此舊志於孝義烈女皆各自爲志獨

渾源州續志

卷七

人物忠義

七

遺忠義一門以爲可統系人物義於激勸爲無當特正之續忠義

贈太僕寺卿馮公

列傳

公諱景字仰山州城人道光甲午舉人甲辰大挑一等知縣用分發南河以不樂散職復改知縣指中州歷署淇汲唐息光山羅山等縣補蘭儀調鹿邑商邱所在有惠政頌聲翕然方之任鹿邑時蘭儀士眾遮道擁留公以憲令諭止民知不可因隨入省昕夕守

公寓瀝請上憲以例弗准乃醵金製牌傘以獻其後
調任商邱績尤懋咸豐五年大憲保阜異奉

旨以同知直隸州陞用時捻逆張落刑等擾河南郡縣胥
戒嚴公守禦夙備境內以安是年冬豫臬余公以永
城軍務亟檄公專辦而捻逆數萬方撲城公率曹勇
千人摧鋒陷陣城圍立解臘月捻寇復趣歸德府四
面環攻城危甚公聞諜卽同兵援永令陳某以衆寡
不敵勸請兵徐發公曰若請兵動需旬月是以城委
寇也吾膺勦寇責避弗前可乎况老父在城義當一
死

渾源州續志

卷七

人物忠義

突

赴卽整旅前進轉鬪百餘里大小戰七十餘會日暮
將抵郡駐營城外約以五鼓擊賊乃率勇丁突圍縱
城入五鼓復出督城軍合擊之賊窘甚紛奔竄是役
也鄉民挈家避難者倚城力獲全而城被圍久糧罄
水涸多以飢渴憊圍解眾將去咸向公羅拜次年二
月豫撫英大中丞飭帶勇千五百隨勦賊駐軍劉家
口兼衛郡城賊憚不敢犯七年三月皖豫督軍務五
橋袁公以商永爲兩省匪賊出沒無常檄公扼馬頭
寺督兩縣團兵相機攻勦遏匪北竄路時鄉團甫集

諒訓練公以孱卒千餘獨當東南面距大營百餘里有緩急勢不相及餉運尤阻公晝夜巡邏伺間出奇時有斬獲未幾攻破廬廟集賊巢戰劉家口斬數千級軍資獲無算八年三月賊益傾巢來徑趨馬頭寺營公設伏待賊至伏發擒斬殆盡賊尤忿六月擁勁騎飛集馳驟若風雨公間道襲擊由商邱濟陽集追及亳州清涼山梟殺七十餘里賊尸枕相繼大府上其功請補缺後以知府用先換頂戴並賞戴花翎長子士雅亦由府經保陞知縣

澤源州續志

卷七

人物忠義

堯

旨皆如所請公感受

恩深勦禦無間隙自名其軍曰飛虎隊賊亦稱公飛虎將軍每見公旗輒相戒避去賊積恨久羣勾結餒復熾孟冬聖日醜虜至馬步合數萬旗色分爲五鋒銳甚然素憚公威直犯恐失利乃由商邱界溝集迂道循包公廟築圩相連互數十里希久抗公集兵勇聞風卽發於商邱小任集遇賊奮擊賊敗退追勦四十餘里至田家集殺獲甚夥匪四面駢集勢益張會日暮卒疲賊設伏衝我軍截圍隊梗不相屬公督親軍五

百力與賊角軍盡殪僅餘五十人皆創重垂絕公氣不稍屈猶奮身下馬步戰力竭遇害賊攜公首去欲獻功行四十里忽陰風慘慄星斗無光賊馬盡驚嘶聞人聲尤鼎沸賊懼置公首樹端羅拜而去豫撫英公以事

聞奉

上諭著照知府例從優賜卹晉贈太僕寺卿世襲雲騎尉並於遇害之地建立專祠祀入京都昭忠祠

賞給祭葬銀兩准其入城治喪以慰忠魂宋郡官紳士庶渾源州續志

卷七

人物忠義

七

又於張睢陽六忠祠後建立三忠祠三忠祠者公與商邱會亭集巡檢余公紫峰侯補府經施公香巖皆從公陣亡者也初公之解歸德圍也有賊魁徐德林擁眾數萬自號西平王及爲公擊虜遂翻然改圖意謀降服然必要公親至營始肯迎降時徐尙糾眾萬餘公麾軍言謂賊心莫測毋輕往卽往宜戒備公曰彼之約我者言我也不往則彼窺吾懦戒備而往彼益疑乃攜二騎而去徐悉眾出迎弓矢戈鋌夾道立公由中行顏色自若徐驚服拜伏道左請舉軍聽約

東並獻其資儲公曰我偏軍也一朝而錄萬人非力所及况諸人非生而盜者何慮其終盜乎因舉所積悉散羣賊慰令歸業眾歡呼稽首散徐獨從公効死力公請大帥官以守備藍翎包廟之戰以身衛公同及於難更有朱龍高徐克勤等廿餘人皆偽竊將軍及王號者慕公義勇相繼歸誠公亦推心腹請官守備于總後宋亦同公陣沒與徐皆入祀三忠祠塑像公側至今享祀不絕云公有子四長士雅監生由讓敘縣丞勳辦湖北軍務加六品銜賞藍翎復因豫公

委帶練勇積勞保知縣以父勦匪陣亡襲雲騎尉世職同治元年卒於籍次子維長兄無子承繼襲世職後入大同鎮標試用歷署應州廣武鎮神池縣馬邑鄉千總署武時適朔州土匪熊六勾饑民爲亂守禦有方紳民頌之三士清岸生四士正以廩生從軍卓勝營積勞保候選訓導

贈鑾儀衛經歷銜前署廣東清遠縣知縣程公殉節及
政行紀略

公諱兆桂字植五號炳南渾源神溪村人也由廩貢
生報捐知縣道光二十六年選授廣東清遠縣調署
廣甯知縣因匪徒竄擾豫失周防被議降調旋以勦
賊功歸縣丞補用委代理清遠知縣咨補遂溪縣丞
未及到任而清遠地當劇要上通英德下達三水與
佛光花縣尤緊連重巒疊嶂素爲奸藪咸豐四年五
月匪乘隙竄境公率文武勦禦飭紳民團勇丁協助

渾源州續志

卷七

人物忠義

三

忽七月十一日匪眾數千突逼城時兵勇無多力難
出擊因登陴固守念南門尤扼要躬自捍衛餘分守
各門署遊擊張及守備賴某乘夜開北門逃匪隨擁
入公率兵巷戰骸跌被傷憤不欲生卽取刀自戕肚
腹仆地妾趙氏聞變亦手自刃裂腸胃由樓窗躍出
墜地殞命會紳民潛伺公微息護出城覓傅良藥得
甦時大府委鄧參戎會勦未至公先密飭錢典史華
齡周巡檢李培糾約各鄉齊集壯丁而身自會同署
守備胡潮健巡檢鄭凌雲把總袁達朝周歷四十八

堡親加勸諭俾演練精熟以期得力比冬匪眾攻高田圩鄉兵接仗斃賊六百餘名次年正二月匪復攻龍塘圩經紳約社長等督率各勇會合商行義民齊出接戰連斃四千餘人公度機可乘遂會督文武員弁率各兵勇義民等合二萬餘人進薄城垣匪以戰艦百餘排河面爲抗拒計我軍四面夾擊礮轟匪船數十斃賊二千有餘匪潰下竄因分兵追捕半留攻城越日整隊齊進由西北門攻入寇賊千餘逃者各星散公入撫民而眾定續有匪船十數及三十餘不

渾源州續志

卷七

人物忠義

三

等一經擊斃百餘名奪取礮舟一擊沈十數船並其餘黨盡殲匪復聯艘百餘駛至我軍沿河夾擊先後共斃七百餘人生擒百四十二名燬舟十餘匪敗竄益勾結蘆苞英德諸匪合二百餘艘乘水漲濶礮力難施羣闖境公急調義勇與接戰賊斃委積突另股由對河山路衝出軍稍卻會把總袁達朝外委陳瑞超趨救斃數十人匪由橫橋遁袁陳尾追橋斷溺焉匪復振順風揚帆徑撲邑城適天雨我軍兩岸分紮冒雨衝突連日殺斃千餘名匪潰走益調團勇飛赴

匪過各處要截去路五日間凡七接仗除生縛計殪
三百餘名公元親赴各鄉搜獲遺孽千四百有餘盡
殲之六年五月寇烽復熾因會胡守備潮健鄭巡檢
凌雲督率堵勦陣斬數十賊踵追過河伏匪突來撲
我軍盡斃百餘復趕殺數十賊已而匪分三路來攻
城公率眾扼河隘路遇賊卽前奮擊匪伏莽齊出我
軍更轟斃百餘人賊退守險適大府派尹叅戎助勦
公聞救益力與賊角十一月初四日賊忽分路搗我
軍而另由間道趨城公見勢迫急歸守禦因力億四
更巡城失墜墜城外舊瘡迸裂登時歿大府以事聞
疏列公平日潔己愛民甚洽輿情籌辦防勦復不遺
餘力茲以方疾登陴守禦墜城身故實堪憫惻奉

旨優卹

欽加鑾儀衛經歷銜世襲雲騎尉職妾趙氏另加

旌表子一應麟承襲世職早卒孫三長世昌承襲世職
次世璋翰林院待詔三世昕業儒茲採其殉難事實
備誌始末以備纂錄按公生有至性事親必得歡心
母歿哀毀骨立葬祭悉如禮父疾默祈身代居喪水

漿數日不入口葬時適暴風起柩阻弗前哭額卽風
止人以為孝感所致奉繼母篤摯如親生事其長兄
及撫異母弟友恭稱鄉里梱內外無襮勃聲一門化
其忍讓感鄰有貧乏者爲資依婚嫁殯葬費助子弟
塾讀膏火賴成名不一幼喜讀忠孝經年十三入庠
旋食廩餼學使器其材嗣以鶚薦未售思欲樹立榮
親按例就縣職服官所至政聲炳然署廣甯時首爲
民息訟究訟利弊所以然婉導至再三聞者多因感
悟尤禁奸黨擾民有藉端誣良善及以窩賭病地方

者悉取寘法於書院則因卑涇捐廉改建優獎給以
拔英俊於防禦則鑒鄰壤先事辦團壯聲勢而弭寇
隙此皆廣甯政績灼著者邑紳爲勒石紀功德焉任
清遠尤久以正風化爲先躬督士林課藝每厚其廩
膳勗敦實學聽訟虛衷不假鞭扑事關倫紀則曉譬
多方需其改悔人悅服俗多抗糧吏以嚴苛爲治或
因勸公斥弗聽邑試有重賂干進者謝拒弗進一貧
士某與試拔其文列首選詢卽欠糧者子時頌其公
由此輪網踴躍不待期而集邑匪徒犯法屢捕不獲

突挾刃入室欲徑前行刺公不爲動毅然責之匪竟
伏地服罪眾呼爲青天白日立清風亭返鏡臺並奉
長生祿位牌於瑞峰書院到今稱之公歿後家遺遺
訓猶祇成風志捐增本籍書院膳需及科生應舉川
資合錢千緡再唐莊石壩牛痘留養等局歲費合捐
錢亦計千緡光緒三年晉省大稔捐米八十石運省
南助賑時米石價大錢十一千此皆善行之不數數
類者並附誌以爲來者風

署渾源州知州賀澍恩謹述

楊月桂州城人道光十四年出監生遵籌餉例報捐
衛千總分發漕標候補咸豐二年髮逆過江

欽差福
漕憲楊

委赴揚州大營差遣三年飭接應紅橋軍營禦賊官
兵會兵敗回紅橋失守楊適遇賊於中途奮勇前鬪
因勢孤不敵爲賊疊劈多傷力竭捐軀爵撫奇奏請
旌獎照例 賜卹 賞襲雲騎尉三代恩騎尉世襲
罔替長子福疇出蔭襲就大同鎮軍營效用

楊毓林州城人由監生遵酌增常例捐衛千總選授
江蘇興武衛頭幫領運千總更遵籌備事例加捐守

備選授湖北襄陽衛守備調武昌衛守備加都司銜
咸豐二年髮逆陷鄂投江殉難大憲奏請旌獎照例

賜卹 賞襲雲騎尉三代恩騎尉世襲罔替子萬
選承襲

張觀鈞字仲和號貽山太僕公次子道光癸卯鄉舉
乙巳通籍分吏部丙午充順天鄉試收掌官辛亥副
掌考功司印旋補稽勲司主事未幾以母憂去官丙
辰服闋補官丁丑派考功司掌印乞假省親旋丁父
艱服闋入都補文選司員外郎旋掌司印考御史列
名第一補福建道監察御史兼署河南道巡視東城
擢湖北施南府知府後改同知川督崇吳兩制軍調
赴四川以勦辦寇功大府會公璧光保奏
恩予復職陞候補道

渾源州續志

卷七

人物

七

賞布政使銜尼鏗額巴圖魯勇號丙子引 見同屬供
職現派管忠節局兼捐輸釐金局事務

張觀準字叔平號皖生一號萊珊行三咸豐戊午科
優貢生辛酉科舉人癸亥科進士翰林院檢討

國史館纂修功臣館纂修本衙門撰文戊辰科會試同
考官辛未科會試同考官江南道監察御史掌河南
道監察御史 記名繁缺知府署巡視南城督理五
城街道衙門稽查甲米進城稽查吏部詹事府五城
步軍統領戶部宣課司京通十三倉左右翼監督漕
運刑部太醫院總河工部寶泉局署禮科給事中工
科給事中掌戶科給事中 記名繁缺道癸酉甲戌

丙子丁丑等科甄門監試御史巡查西倉太平倉已
卯科磨勘各省試卷官丁丑科磨勘會試試卷官

常山鳳號雲溪道光乙酉科舉人考取景山教習期滿以教職用嗣中道光辛丑科進士殿試三甲以知縣卽用分發江西世以教學傳家所成就門人達者接踵渾郡文風寢盛實常氏啟之官江西歷署安遠貴溪等縣建昌府同知道光丙午咸豐辛亥兩充江西鄉試同考官實授餘干縣加知州銜在任六年興書院振文教禁訟棍擾民尤開濬壅河以興水利力除猾賊閭閻獲安道光二十八九年邑連遭水患拯災氓請蠲賑備極摯誠民有田廬卑窪者爲修築長隄護之同治九年餘干續修縣志邑紳以善政被民請入祀名宦事不果行政績備載餘干邑乘

侯長齡號松崖由廩生舉同治壬戌

恩科鄉薦次年連捷進士乙丑補殿試用知縣分發江
西歷署高安崇仁縣事補授建昌知縣同治庚午癸
酉光緒丙子己卯凡四充江西同考試官夙勤績學
以文望推鄉里門下士執業被陶成者多相繼顯科
名膺鄉闈分校所拔知名士尤多現調署新昌知縣

文苑

文爲四教之首聖人之道散見於文雖學者不能徧觀盡識而各隨其材力所極沈酣衍迤久無不油然而其有得其達而在上則措諸政事足以揚詡國華不幸而巖壑終老則殫精著述藏之名山傳之其人立功立言垂爲不朽一也渾源川嶽毓秀蔚起文明前金元時有若雷轉運西仲劉監察雲卿一門繼美祖孫父子後先相輝映焉獨明代惜少傳人蓋山川精英蘊結誠有待我

渾源州續志

卷七

人物文苑

全

朝大發其光者余於是踵乾隆癸未序次其以後通儒著作俾士林得所宗仰知文教其蒸蒸日上也夫續文苑

劉琦正恩貢生按舊志拾遺編云精通周易著易經附義增補五圖嘗游藝京師以書謁大學士孫文毅公公將進呈

御覽會公病歿遂不果生亦旋卒於家書簡而當惜見書時剗剗將竣未及補入文苑然以生之苦心遭時不遇是書終當見傳於世也又著韻學入門頗爲詳悉

今考二書皆未粹行惟文藝中載其易經附義序文一篇自述平生所得力殫精研慮晚乃成書信與序文相證印蓋自來周易註疏家言象者遺理言理者遺象迨朱子本義作理與象兼該然後於聖人觀象玩辭觀變玩占本旨翕然符合第其中有自註未詳諸處猶缺疑以俟來哲明儒來瞿塘矣鮮深明易象因誦睽卦見豕負塗語恍然有悟遂以錯綜變互配合爻象觸類引伸自謂四聖之易始昭若發矇厥功誠偉矣然亦間有鑿處後人多竊議之則甚矣易道之難言也茲附義一書疏通簡括發明本義未盡之旨恆心貴當洵足爲考亭功臣登諸文苑州乘增顯耀焉爰誌其大略以俟大力表章者得所考訂云爾

孫善守恩貢生就職教諭本城人少聰慧鬢序噪聲
尤勵志操鄉閭歸孝友學求篤實研精經傳三十餘
年其於榮利泊如也所著有詩書易三經講義自抒
所見足與經旨相發明學者宗之又著有諸經解疑
讀左偶評讀史偶存古近體詩若干卷人稱爲拓齋
先生同治五年州人舉報孝行事蹟另詳孝義門

人物補遺

魏初字太初從祖璠無子以初為後初好讀書尤長於春秋為文簡而有法中統初辟中書掾史兼掌書記以祖母老辭歸會諸儒各陳經史所載帝王嘉言善政選進讀之士有司以初應詔授國史院編修官擢監察御史疏時政多見嘉納出簽陝西四川按察使事歷官南臺御史中丞卒年六十一子必復集賢侍講學士按元史本傳宏州順聖人其從祖璠金史著為渾源人附見武仙傳順聖雖屬今直隸宣化府然既為璠後即當作渾源人也見府志

渾源州續志

卷七

人物補遺

全

人物備考

舊志金蘇保衡列渾源人物類

按金史蘇保衡雲中天成人查州舊志及順治壬辰大同府志皆列渾源人物未知何據桂志註云存疑待考因檢乾隆四十一年續修府乘依金史改正當從之惟州城距近七里神溪村遺有舊墳土人相沿俱指為蘇保衡墓特年久平場碑誌無存後嗣亦寥落據今天鎮即金天成詢其舊蹟亦無確實可指者姑仍存疑更俟詳考